

國方志叢書·華中地方·第八八九號

據

清·符執桓纂修·
清康熙十二年刊本

影印

江 西 省

新喻縣志

(三)

成文出版社有限公司印行

中華民國七十八年三月臺一版

新喻縣志

共三冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

新喻縣志卷之十四

江西臨江府新喻縣知縣符執桓編撰

藝文上

典謨而外首重紀載之林經書以還爰推記序之
筆蓋人物之臧否是非與山川之幽奇名勝盡于
立言之心目使千載而下猶恍然若接是雖不等
于經國之文然亦爲華國之助矣爰誌藝文中

修志說

弘治十六年撰

邑人彭治

志必有類類不可以無序序則重輕有倫且免襲故

之失故治于新喻縣志之重修也獨有取于茲義焉
首之以建置沿革縣之所由始也始旣忘矣以爲序
焉分野關乎天文邑各疆域由州形勝城池
乎地理封爵職官宦歷鄉賢鄉宦忠義孝友文
貞隱逸貞節關乎人物此天地人之序也風俗雖以
地異然感化得尚實由人成故以繼乎人文焉戶口
田賦陂塘桑地土產土貢乃民物食貨所關此人物
之序也非職茲土者得其人而人物盛風俗美則民
物食貨何由繁殖哉公署學校倉庫亭舖恤政橋梁

牌坊塋域廟壇寺觀凡此皆制度之類始公署重縣治也末寺觀雖外之而不得不錄也制度固皆政治所關然必待其人以興之待民物食貨以資之而後成此其序也古蹟關乎前朝制度然今皆實廢而名存故以序于制度之後而復繼之以雜考者蓋欲以明古之義證今之譌亦國史補遺之意也詩文固皆文獻所關然紀述事實在記文故先文後詩焉雖然

是特序次之梗槩爾若乃條目之類分又各自有相因之次云

卷之五

五

...

...

...

...

...

...

...

...

救荒說

蕭文明 邑人

堯有九年之水湯有七年之旱是時之民不聞有流離之患二聖何道致之乎以爲散府庫之財所積者有限待哺者無窮計不若是踈也夫王制三年耕必有一年之積九年有三年之積藏富于民民自有備也是以不費于上而仁及于下故曰有道之國天不能災地不能厄盜賊不能困使民不能自備水旱一年不能自給加以九年三年靡有孑遺矣天道不可測也分在天下者憂在天下分在百畝者憂在百畝

徒有憂天下之心無遠大之計一遇變生雖有惻怛之仁無益于民之死矣故理煩治劇非政之大興墜舉廢非政之大民之生死所繫社稷利害攸關救荒政之大者不爲豫處是驅民陷穽復施援引之仁待民之死而求爲之醫爲民父母未聞有此也必隨地方以爲之法因多寡而爲之計權變之術難易之勢計之定而行之決可也被上古之時天下無無田之人無不耕之夫後世井田之法旣廢田不得而均矣兵農之政不合國用不得而充矣今之民有田者四

五無田者半之有田之民一年水旱彼且告竭又倚之以周無田之人勢有難也故儲積之事惟均田可行下此有平糴之法李悝建之于魏熟歛于官饑散于民常平之法耿壽昌創之于漢賤則增價以糴貴則減價以糴隋之長孫平創爲社倉之制自民而入自民而出唐之戴胄建爲義倉之法歛散有權貧富相濟四者用之當時而有濟垂之後世而可行策之善者也然時勢不同難盡沿襲惟以義倉建之于社以平糴常平變通于內守令總之于上一里設二人

督之于下創室以居立人以守以官錢而作之始該里大戶勸諭相助犯罪者納粟本倉贖免里長司入鄉老司出爲官者一年一計司入出者一年一替不公有罰渙獵有罪通變以利于民又禁持衡者何如此法旣行雖有水旱蝗虫之災民亦可免于死矣此亦救其流未潯其源也夫水旱之災數之不能免也裁成天地之道莫大于溝洫陂塘以待天時之變禹有見于此卑宮室而盡力乎溝洫終夏六百年未聞告饑不此之究潘而有湮沒之患旱魃爲災數十里

無可汲之井爲官者代君理民循行阡陌古時溝洫
爲豪強兼併者取而掘之無舊蹟地方因田多寡爲
陂塘廣狹天雨有瀦天旱有濟不此之務是不濬其
源欲流之大不可得也嘗遊齊魯之地溝洫之蹟往
往猶存東南地利盡矣所憂者惟溝洫未修西北地
利不盡國家之費仰給東南不知西北地利不盡
東南之民亦疲天下不復可爲矣故欲紓東南之困
西北之溝洫不可不修欲紓西北之窮東南之陂塘
不可不墾徒以憂天下爲言不思爲之處知救荒無

策不豫爲之計何益于人國哉或曰此法不講久矣
求數百年之廢政舉之一旦有偏而不振之患或能
爲之亦多事矣予曰天下事論利害不論難易有害
于民者已行可廢也有利于今者未行當興也使利
于民者畏難不爲害于民者泥法之成而不之改斯
民之困日甚于一日矣

重修新喻縣治記

張

徹

吏部考功司郎中新淦人

新喻縣自昔屬楊州之域漢屬宜春吳始置縣莫詳
治所隋開皇十八年屬袁州時縣在龍池墅大業八
年遷距村唐麟德元年復遷龍池墅太曆八年水泛
城郭隳守李嘉祐奏遷帑瞰山卽今之治所宋淳化
元年始隸臨江軍元元貞二年陞縣爲州明洪武二
年州復爲縣屬臨江府領九鄉縣舊有土城周圍約
五里今廢惟四門舊跡僅存葛峰環其東蒙嶺踞其
北鐘山鼎山之秀位乎西南之郊帑瞰山獨隱然居

其中世傳五星奠位大河之水自袁而來縈紆淪漣
至是而渟滄洄互與地勢相曲折合帛咆泉而東文
人顯官以道德政事炳炳琅琅稱天下者多出乎其
間實江右名縣也縣治歲久弊壞知州張仲仁知縣
李公讓有志于爲而未復其舊近年傾圯殆盡前官
弗職一木莫能支知州張仲仁知縣李公讓僅有志
于爲終莫能復繼之者視爲傳舍孰究孰思徃徃與
吏民相可否于荆棘瓦礫中可愧也宣德五年秋武
林之東安洪鈞奉聖明命來尹是邑顧而嘆曰縣必

有治闕則襲禮虧敬何以使民有所瞻仰而秉政令
于是庶以律已勤以撫民明以燭微公以取信凡有
害于民利于民者輒罷行不畱宿未期月政化大行
民用休阜絃歌比屋上下安以無事乃選材木具瓦
甓畚穢壤基新土授工人以成筭命耆老以循事先
作縣治若干楹高明閑深氣象軒豁視之往昔奚啻
倍蓰作堂于治後以嘉善名存舊額也作舍于西傍
以棲文吏典案牘也作儀門以肅其出入鼓樓以嚴
其更漏示民知敬而有警也至于庶憲分司易在石

以廣之。皇華使館崇棟宇以飭之。庫吏壇壝坊巷衢道咸撤以新之。然後治其居第及同官廨舍。凡所宜有者靡不極其整齊。其備觀者目駭。居者神怡。陰歛陽舒。人文宜朗。山若增峻。水若溢深。草木魚鳥亦若有喜色。而同遊于太和矣。工始于宣德五年十二月二十四日。訖于宣德七年五月。費皆官給而有節。民皆子來而協心。若神助天成。一何速也。工訖。罷二守。吳公復初寔蒞于茲。觀厥成功。擊節稱美。蓋公素清直少許可。嘉尹之績。首贊紀于碑。縣之僚屬縣丞富

春沈成富川程裕忠膠涓徐勝主簿東昌施智河泊
金湖謝隆和附一辭省老萬子遠施永濟楊仲彬周
師兼章仲彛廖公濟施子鼎陳宗器等請礪石以俟
屬徹記以文徹惟國家承平七十年海宇豐富民不
知兵革所以羈縣擇人以理猶恐生民有不獲其所
守令難盡得其人尹之爲新喻有法度紀綱能與民
同休戚能以儒飭吏治又能休其餘力一洗故陋如
風行雷動于百里間可謂得人矣然以百年之久廢
而作新于一人之手非賢而能之哉使凡爲縣者舉